




柳田文庫
文庫11
D 268
4



文庫11
D268
4

元經薛氏傳卷六

經簡文帝咸安元年帝正月夏四月秋七月冬十一月桓温分兵屯衛乙卯温廢武陵王晞十二月初薦
淶酒於太廟

傳曰簡文帝諱昱字道萬元帝第六子也桓温既廢帝以太后詔迎帝於會稽變服巾績受璽綬不書卽位譏之爾曰簡文自太和元年位爲丞相錄尚書事不能制桓温之跋扈以輔幼主雖踐阼體元亦其未盡善也故不書卽位冬十一月帝

柳田泉文庫

010190558717

既卽位桓溫慮有變故分兵屯衛桓溫不稱官貶其專也武陵王晞者元帝第四子出繼武嘉王諱後遷太宰無學而有機幹溫素忌之溫既立簡文乃表晞謀逆收什廷尉請誅之簡文手詔報溫曰若晉祚猶長公宜行前詔如其大運去矣則請避賢路溫乃止奏徙新安郡薦鄴淶於太廟者自此始故曰初薦

經咸安二年帝正月二月秦符堅執慕容桓夏拜百濟爲樂浪太守秋七月內史周少孫討庾希平之

未立皇太子昌明是日帝崩于東堂

傳曰慕容桓暉之族子也暉既滅桓收合餘衆攻

東太守韓稠堅遣將軍朱疑擊桓執之百濟國

王旬入貢遂拜鎮東將軍樂浪太守

樂浪玄菟之地

希者帝降和初鎮下邳與袁真分守至太和二

年有入于海陵入京口逐晉陵太守卞耽秋

七月內史周少孫討擒之賊平昌明孝武

帝字從舊史文也

經孝武帝寧康元年春正月帝卽位二月桓溫來

朝三月癸丑除四桁稅

桁音航

夏五月旱七月己亥桓

溫卒八月壬子崇德太后猶攝政冬十月西平公張

天錫來貢十一月秦人陷梁益我師南遁

傳曰武皇帝諱曜字昌明簡文帝第四子也咸安

二年立爲皇太子簡文崩帝卽位至明年正月改

元寧康書卽位以謹始也桓溫旣立簡文也望禪

位於己不副所望武帝卽位詔溫人赴山陵書曰

來朝外之也初溫依諸葛亮故事威勢翕赫乘輿

入朝求歸姑熟窺伺神器至是詔來京師故曰來

朝四桁稅者丹陽竹格等稅也除之嘉惠及民也

己亥桓溫卒不書官貶之也溫自咸康而來威傾

中外廢東海立簡文有志篡奪此亂之大者卒幸

免誅也去其官不書薨爲晉誅惡也崇德太后者

何康帝后褚氏也父哀后自穆帝嗣位蔡謨等奏

漢和熹順烈並臨朝近以明穆故事以垂先制

於是居崇德宮謂之崇德太后及桓溫廢海西公

立簡文后復臨朝稱制君子曰后妃所以治內也

親外事非禮也然權宜避嫌必假母儀之尊所以

制弱命之君爾伊尹周公不挾后勢終歸于道霍
 光白太后禮當尊親其實光專之可也漢魏而下
 后族臨朝罕不兆亂故元經書猶有可止之辭也
 然則孝武帝冲幼妃后攝政奈何曰時諸桓方強
 王坦之之輩執政庸懦不能舉左袒之師討廢君
 之賊雖崇德臨朝何益晉祚哉張天錫來貢方物
 言中原舊統無來者惟天錫而已書公貴之也秦
 符堅遣將楊安陷梓潼梁益我師周仲孫以騎三
 千南遁仲孫為寧州刺史監益州貪暴人不堪命

秦揚安帥師陷之書曰我師不言仲孫罪在晉也
 不任賢也致陷全蜀不書仲孫不足稱也

經寧康二年春帝正月二月兖州刺史刁彞卒三月
 丙戌彗星見于氏夏五月蜀賊張育僭號蜀王為秦
 所滅秋九月丁丑有星孛于天市冬十一月天門彗
 音攻郡太守王匪死之癸酉將軍桓石虔破秦姚萇

于墊江無傳

傳曰刁彞字大倫少遭家難彞斬讐人祭父墓由
 是知名官至徐兗二州刺史假節鎮廣陵卒彗星

見于氏有星孛於天市皆占曰有兵喪張育以蜀來稱藩蜀賊言自僭非懷晉也天門蠶者蠻屬也太守死之以死守天門義之也

經寧康三年春帝正月辛亥大赦夏五月獻公王坦

之薨桓冲鎮丹徒謝安領揚州秋八月立皇后王氏

冬十月癸酉朔日有蝕之無傳十二月神獸門哭無傳詔

賜民米無傳癸巳帝釋奠于東堂

傳曰大赦者以去年冬錢步射作亂朱序平之故赦其餘黨也王坦之字文度父述興寧太和中稱

為名臣坦之襲父爵累遷至大中正簡文臨終詔

坦之與謝安輔幼主遷中書令終於都督徐兗青

諸軍事臨終與謝安桓冲書不及私惟憂國家之

事朝野惜之稱諡書薨褒賢也丹徒控南吳揚州

扼淮比故安冲分主之重外禦也立皇后王氏者

王蘊女也諱法惠初帝將納后訪諸公卿僕射謂

人因昔毛嘉耻於魏朝揚駿幾傾晉室帝若納后

如有父如王蘊則可按王蘊者濛之子也為吏部

性平和不抑寒素為吳興太守有德望及后立蘊辭恩澤求外郡素嗜酒少醒自然和簡為百姓所悅終於會稽內史儀同三司

子恭別有傳訪蘊女容德乃應選釋奠之禮自魏齊王

正始五年使太常釋奠祠孔子於辟雍以顏回配

享至晉成帝穆帝並以堂為太學故曰釋奠于東

堂禮也

經太元元年春帝正月加元服見太廟改元始臨朝

案孝武冠儀依武帝故事金石宥設百僚陪位殿上鋪大床御府奉冕幘簪太尉加黃太保加冕侍中加袞服畢羣臣上壽三呼萬歲古禮冠皆在廟晉自成帝以來加元服以車駕出拜于太廟以告成擬在廟之儀夏五月癸丑地震秋九月秦陷梁州張天錫亡冬

十月秦攻代執其主涉翼犍

傳曰自漢以來加元服皆以正月見于太廟明冠

禮也書始臨朝者言太后歸政也癸丑地震陰盛

也秦陷涼州之應乎張天錫晉舊屬也秦之陷

涼于是中原掃地矣天錫張駿少子也荒于聲色

不恤政事人情恐懼秦符堅遣將苟萇攻涼天錫

降于秦因遂亡矣自張軌為涼州至天錫凡九世

共七十六年而亡書亡以晉藩郡為辭也涉翼犍

凶奴猗盧之後也符堅遣將洛率幽州兵十萬

討伐戰于弱水道陰山其子翼圭縛父母秦堅嘗

入太學召翼圭問曰漠北人好學否翼健對曰若不好學陛下教臣何爲堅善待之終身

經太元二年春正月二月朱序鎮襄陽夏四月秋七月老人星見八月桓冲來朝丙辰都督六州桓豁卒壬寅尚書簡公王彪之薨

傳曰朱序世爲名將使鎮襄陽備秦也老人星見于衰世不足爲祥也桓冲者溫弟也代溫爲都督江楊諸軍事鎮姑熟脩臣節也都督桓豁卒豁字郎子父彝豁累有戰功遷征西開府堅踐仇池豁

以梁州揚亮及益州周仲孫敗潰豁威畧不固辭開府尋卒諡曰敬不書諡無功也王彪之字叔武累遷尚書僕射時豫州謝奕卒簡文問彪之欲以桓雲代之彪之曰溫居上流割天下之半若其弟處西藩權在一門人事不可豫量簡文曰君言是也簡文崩羣臣未敢立嗣或云大司馬處分彪之正色曰君崩太子立何容得異乃定謝安欲以太后臨朝彪之曰先代主襁褓子母一體故可臨朝太后亦不能決終問僕與君等今上年十歲反令

從嫂臨朝豈翼戴之謂乎謝安每言事不能決者
詔王公無不得判以疾卒諡曰簡書薨貴之也

經太元三年帝正月二月作新宮三月暴風發屋夏

五月陳留王曹恢薨無傳秋七月冬十月

傳曰作新宮譏也謝安欲營宮室王彪之曰中興

初帝卽位東府 爲儉陋元明二帝亦不改制成

帝居蘭臺是以更營修築始合豐約之中可修補

而已強寇未殄宜休兵養士何勞擾百姓以修屋

宇爲能耶終彪之世至是始作新宮故譏其困民

力也暴風發屋不思之咎厥罰常風管輅曰思心

不睿常風之罰

經太元四年春帝正月二月秦苻丕陷襄陽執朱序

夏四月秦陷魏興吉挹死之五月秦陷盱眙秋九月

盜殺建安守傅湛冬十一月己酉朔日有蝕

之

傳曰朱序字次倫守襄陽符丕攻陷於堅堅南伐

遣序說謝石及謂石曰堅衆百萬悉到莫可與當

乃及其未會可擊之堅大敗序得歸吉挹字祖中

桓豁表為魏興太守秦將韋鐘圍魏興挹力不能
 抗城陷為賊所執挹閉口不言不食而死追贈益
 州刺史秦滔盱眙執毛璪璪者毛寶之孫也不書
 璪微其不才盜殺傅湛春秋齊豹稱盜傅例謂不
 義則書盜

經太元五年春帝正月乙巳謁高平陵夏四月大旱
 五月大水秋九月皇后王氏崩無冬十月李遜據交

州反

傳曰漢故事陵上立祭殿至魏制以謂古不墓祭

自有廟設於是園邑寢殿遂廢至晉武帝每謁崇
 陽陵一謁高平陵逮江左元帝崩後諸公有謁陵
 辭告之事非洛邑之舊也褚岑后臨朝拜陵以帝
 幼故也高平陵簡文陵也帝自即位自此始行謁
 陵之禮大旱大水按春秋書災異大旱則書雩大
 雨則書大水李遜九真太守也據交州反交州統
 七郡所以互相制也

經太元六年春帝正月沙門居殿內夏六月庚子朔
 日有蝕之秋七月甲午交阯社瑗平李遜冬十有二

月秦將寇竟陵冠軍石虔擊擒之

傳曰帝溺奉佛法立精舍於殿內南朝佛弊自茲始也且言政不由帝矣庚子日蝕陽德衰而夷盛之象杜瑗交阯太守也斬李遜以平交州來告秦符堅遣將閻震攻竟陵初詔曰石虔文武器幹御戎有方古今絕倫金革弗避進爲冠軍將軍閻震以襄陽之衆來攻石虔拒之賊阻激水屯管城石虔設計夜渡水賊始覺力戰大破之進克管城擒閻震書寇軍嘉之也

經太元七年春帝正月林邑來貢夏四月秋八月癸

卯大赦

無傳

九月東夷五國來貢秦將掠沔北民去冬

十月丙子雷

傳曰林邑其先漢象林縣馬援鑄銅柱之地去南海三十里漢未有區功曹者自上稱王厥後外甥范熊氏代立其俗開北戶以向日人性凶悍果於戰鬪便山水不閑平地四時無雪霜人保跣黑色其王服天冠披纓絡聽政子弟侍臣皆不得近之自孫權以來不朝中國武帝太康中曹來貢至是

元紀 卷六
范熊獻方物經書來貢尊中國之舊也東夷五國者扶餘三韓肅慎倭人禪離也在玄菟東北並武帝太康會獻方物東晉置東夷校尉以統之秦堅遣其將都貴焚燒沔北田穀掠襄陽百姓而去書曰掠沔北民去不言焚田穀所重民而已民亡穀將安保乎冬雷愆陽也

經太元八年春帝正月二月黃霧四塞夏五月將軍楊亮伐蜀擒秦將魏光秋七月將軍郭洽及秦將張崇戰于武當敗之八月秦符堅來寇渡淮冬十月秦將符融陷壽春乙亥將軍謝石謝玄謝琰桓伊及符堅戰于淝水堅爲慕容垂所敗十一月立曹恢子靈誕爲陳留王句町王翟遼及慕容垂合兵攻洛陽仇池公楊世奔還隴右

傳曰黃霧四塞中原復亂之象也楊亮拔蜀五城符堅將魏光爲亮所擒王師復振也符堅大舉伐江南是時桓冲率十萬人分諸將攻襄陽桓石虔攻沔北楊亮伐蜀進攻涪城郭銓攻武當堅將張崇救武當姚萇救涪城亮與崇戰敗之自是堅大

怒亟自帥師南伐衆諫止不聽慕容垂潛貳於堅言於堅曰司馬昌明以餘燼之資敢拒王命况大秦膺符陛下神武不宜以賊虜遺子孫堅大喜率步騎二十五萬爲前鋒長安戍卒六十萬騎居其後堅至項城而諸州軍始至咸陽幽冀兵始至彭城蜀漢兵順流而下東西萬里水陸齊進八月堅捨大軍于項城以輕騎渡淮至壽陽見王師部陣齊整又望八公山草木皆人形曰何謂少乎憚然有懼色及遣降人朱序往說謝石欲脅而降之序

矯私謂石曰秦百萬至則莫可敵也乘其未集在速戰挫其前鋒可以得志從序言列陣逼淝水遣使謂秦苻融曰君懸軍深入逼水爲持久之計豈欲戰乎若少退使將士周旋秦軍麾退奔不可止融馬倒被殺因茲潰敗王師乘勝追擊之堅中流矢單騎遁還淮北堅歎曰朕若聽朝臣之言豈有今日之事于是張天錫朱序徐元喜等皆歸晉焉慕容垂僞請撫燕岱反攻鄴慕容泓奔關東收鮮卑衆數千堅自此弱而晉粗安焉經書苻堅來寇

言無遠畧但速寇而已初堅為慕容垂所勸令亟
 進諸軍皆敗獨垂全軍而反果中垂計故書曰堅
 為慕容垂所敗且言晉之福幸也曹靈誕者魏陳
 留真之裔也明帝末寧三年詔興滅繼絕于是曹
 真之後勸者魏武之孫也封陳留王至是卒以靈
 誕為後禮也句町王翟遼者丁零雜類也叛堅反
 與慕容垂兵共攻秦洛陽楊世者氏人也世為仇
 池稱藩于晉世死其子篡立為符堅所擒送長安
 至是復奔歸隴右欲復與仇池也

經太元九年春帝正月封寶為臨川王遵為新寧王
 將軍劉牢之克譙城將軍桓冲降新城魏興上庸三
 郡二月辛巳宣城公桓冲薨夏四月己卯增大學生
 百人姚萇僭稱秦王六月癸丑崇德皇太后崩秋七
 月高密王純之修洛陽陵己酉符堅及慕容冲戰于
 鄭西堅敗績八月司空郗愔薨九月都督謝玄克鄆
 城冬十月河間王曇之薨無傳庚午符朗來降十二月
 秦將呂光竊據河右
 傳曰簡文帝淑儀顧氏生臨川王郁郁卒以武陵

王孫寶爲臨川王嗣焉遵字茂遠元帝孫武陵王
晞幼子也襲封新寧王劉牢之爲將軍以符堅餘
寇屯結在譙牢之擊平譙城復淮北地也桓冲遣
上庸太守郭寶伐秦魏興上庸段方並降之新城
翹常遁走三郡皆平不書郭寶者桓冲之功也初
姚萇降符堅爲堅將委以山南之事及堅敗歸長
安萇奔渭北自稱大單于秦王背符堅不書以僭
王罪大故書之崇德太后褚氏崩諡康獻禮也高
齊王純之者獻王恭之後也符堅旣歸秦洛陽復

屬晉使純之修謁祖陵禮也丁酉慕容冲去長安
二百餘里堅使符方成驪山符暉符琳兵五萬桓
冲以婦人乘牛揭竿搖塵率衆攻暉于鄭西暉出
戰敗走書曰符堅敗績自是冲逼長安郗愔字方
回司空鑒之子也襲封南昌公官至江東五郡都
督徵拜司空愔固辭不就薨諡曰文穆不書諡者
畧之也謝玄及桓石虔高茂趙遷諸軍北伐玄遣
劉牢之攻兗州克鄆城秦刺史張崇奔于慕容垂
于是牢之據鄆城書謝玄都督指蹤之功也符朗

字元達堅從兄子也為青州刺史遣使請謝玄來

降授散騎侍郎

晉符子老莊之流也

呂光字世明氐人也事

符堅討西域平龜茲高昌還至涼州因居姑臧聞

符堅死哀號三軍縞素大臨于是自稱大都督隴

右河西諸軍事

經

太元十年春帝正月二月蜀將任權平益州三月

榮陽鄭燮來降夏四月符宏來奔秋八月太保文靖

公謝安薨姚萇殺符堅九月符丕僭位于晉陽冬十

月乞伏國仁稱大單于秦河二州牧

傳曰任權為蜀郡太守斬秦刺史李平故書平益

州鄭燮來降稱人無官也符宏者堅太子也堅為

慕容冲所逼出奔五將山宏來降晉晉處之于江

州符宏不書官亡國窮寇也謝安字安石年四十

始為桓溫司馬遷吳興太守入遷侍中簡文崩桓

溫入赴山陵將移晉室呼安及王坦之坦之汗流

倒執手版安從容謂溫曰明公何須壁後置人耶

溫笑語移時桓溫死安總關中事孝武朝為中書

堅之次淮淝安遣其弟石兄子玄等破堅以總統

功拜太保上疏求北征都督十五州假黃鉞性好音樂及登台輔朞喪不廢樂出鎮廣陵然東山之志始末不渝薨年六十六諡曰文靖符堅奔五將山姚萇圍執之求國璽于堅堅曰小羗敢逼天子五運次序無汝羗名罵以求死萇縊堅于新平佛寺書姚萇殺符堅以胡殺胡兩同常人耳符丕者堅長子也鎮襄鄴聞堅死據晉陽以張蚝為侍中王末為尚書令符冲為僕射改元曰太安僭尊號乞伏國仁鮮卑人也居勇士川壽春之役為符堅

前鋒及堅敗也國仁集諸部十餘萬自稱單于秦河二州牧以乙旃音湜為左相以屋引出支為右相置天水洛陽等十三郡築勇士城居之號西秦

經太元十一年春帝正月慕容垂僭位于中山許木未殺慕容冲無傳夏四月封百濟餘暉為王代王拓跋圭始稱魏秋八月封孔靖為奉聖侯將軍朱序擊翟遼走之冬十月慕容垂破符丕於河東無傳十一月符登僭位于隴東

傳曰慕容垂字道明皝子也及偽僭號封垂為吳

王鎮信都敗桓溫於枋頭名始振慕容評忌之垂
奔符堅堅大喜郊迎意欲圖慕容暉及堅擒暉以
垂南伐垂軍獨全其子寶言于垂曰今天厭亂德
凶衆土崩可因而取之垂曰且縱令北還更待其
隙後據鄴都卽位于中山百濟國高句驪屬也世
持節爲鎮東將軍其子餘暉嗣立爲王稟晉命代
王自太康中郝散猛獍盧而後世居代北至是拓
跋圭始居中華故稱魏戎始變華也孔靖曾聖之
後也漢故以孔霸封褒成君至魏文帝詔孔羨爲

崇聖侯孔震爲奉聖亭侯至是以靖襲封禮也丁
零翟遼反朱序遣將軍秦膺擊之遼走凡敵敗曰
敗之降曰降之敵遁曰走之以死從事曰死之此
舊史文也符登字文高堅之族孫也符丕爲晉將
馮該所斬而登自狄道起兵衆立爲主隴東秦州
地登于軍立堅神主載以輜輶羽葆青蓋建黃旗
引軍乃告神主曰維會孫皇帝臣登今以大皇帝
之靈恭踐寶位昔五將之難賊羗肆害于聖躬登
之罪也今合義師造虜庭奮不顧命爲期因欲獻

流涕將士感慟皆刻牟鎧爲死休字示以戰死登以長稍勾刃爲方圓大陣知有厚薄從中分配故人人自爲戰所向無敵攻鴛泉堡姚萇救之密遣詐爲內應以招登許開門納之登以爲然有雷惡地馳諫登曰姚萇多計必爲姦變宜思之登乃止萇聞惡地詣登謂諸將曰此羗多奸智今詣登矣吾事必不成登聞萇懸門待之驚曰幾爲豎子所誤

經

太元十二年帝正月翟遼遣其子釗寇陳穎夏四

月盜執高平太守徐含遠六月東帛聘戴逵龔玄之秋八月立皇子德宗爲太子冬十一月王遐之討翟遼敗之

傳曰翟遼者丁零翟斌之後也父真與苻丕內外相應爲鮮于乞所殺遼奔黎陽遣子釗南寇至陳穎朱序擊走之高平翟暢者執其太守徐含遠以郡降翟遼書盜微之也戴逵字安道譙人也博學好談論能鼓琴攻書畫少時以鷄外汁澣白瓦屑作鄭玄碑自鑄之武陵王晞召逵鼓琴逵不從曰

元經 卷六 廿八
不爲王門伶人也後居會稽剡縣嘗著論曰儒家尚譽本以興賢也旣失其本則有色取之行以容貌相欺至于未僞道家去名者欲以篤實也苟失其本則有越檢之行情禮俱虧至于本薄夫僞薄者非二本之失而爲弊者必託三本以自邇夫道有常經而弊無常情苟乖其本聖賢所無奈何其高論大率如此龔玄之字道玄武陵人也好學安于陋巷帝下詔曰哲王御世必搜揚幽隱故空谷流繁維之詠丘園依束帛之觀譙武戴龔並高其

操學弘儒業並以散騎常侍備禮發遣皆不就君子謂江左固多高雅之士雖世勤干戈國步艱蹙而道風常在王遐之松滋太守也討翟遼於洛口敗之

經太元十三年春帝正月夏四月譙敬王恬鎮青兗六月乞伏乾歸僭號河南王秋九月翟遼寇洛陽冬十二月尚書令謝石卒

傳曰譙敬王恬剛王遜孫也忠正有幹局宗臣之勲望也都督假節重親任也乞伏乾歸者國仁之

弟也太元十年竊據秦河是年卒衆立其弟乾歸
遷居金城僭號翟遼寇洛陽河南太守郭給拒破
之謝石字石奴安之弟也無他才特以破苻堅功
遂居清顯聚飲無厭取譏當世不書薨貶其非公
輔之任也

經太元十四年春帝正月將軍劉牢之平妖賊劉黎
二月呂光僭號三河王翟遼寇滎陽夏六月都督桓
石虔卒秋七月宣陽門災冬十一月乙巳雨木冰

傳曰彭城賊劉黎僭稱皇帝于皇丘劉牢之討平

之呂光字世明氐人也太元九年據河右至是
僭號改元太安翟遼攻滎陽執我太守張卓桓石
虔小字鎮惡從桓冲入關冲爲符健所圖石虔躍
馬拔冲于萬衆之中而還三軍歎服威震敵人時
有患癰者言桓石虔來以怖之病愈人畏如此與
苻堅將閻震戰俘萬人獲馬千疋裝鎧三百進據
樊城移鎮馬頭至歷陽而卒宣陽門四柱災宣陽
朝門天火曰災也雨木冰劉歆說陽不下通陰不
上達故雨而木爲之冰雰氣寒木不曲直也劉向

以爲氷者陰之盛木者少陽貴臣卿大夫之象也
此時有害則陰氣勝陽大木先寒故雨木氷

經太元十五年帝正月譙敬王恬薨劉牢之及翟釗
戰于太山走之將軍朱序破慕容末於太行三月乙
酉朔地震秋八月將軍朱序破翟釗於懷縣

傳曰譙敬王恬字元愉嘗爲中丞簡文初立未解
嚴而桓溫屯中堂吹警角恬劾奏溫大不敬溫聞
奏嘆曰此兒敢彈我真可畏也在朝皆憚之授鎮
北將軍薨諡曰敬劉牢之以驍猛應選初爲謝玄

叅軍鎮北府兵敵人畏之慕容垂叛將翟釗救苻
堅將張遇於太山擊走之慕容末向洛陽朱序自
河陰北濟與末將王次相遇戰於沁水次敗走斬
其將勿支首追末破之于太行乙酉地震羣小弄
權天下側目也朱序旣追慕容末至上黨白水相
持三旬乃還攻翟釗於石門遣別將擊翟遼于懷
縣走之

經太元十六年春帝正月慕容末寇洛陽夏四月秋
七月改築新廟成冬十一月姚萇擊苻登於安定

傳曰楊佺期爲河南太守城洛陽慕容末來寇佺期擊走之改作太廟正室十四間東西儲各一間合十六間棟高八丈四尺備法駕迎神主于行廟設脯醢之奠姚萇退還安定符登圍之四面大哭哀聲動人萇惡之乃命三軍亦哭應登登乃引退萇以登頻戰輒勝以謂堅神有靈亦於軍中立堅神主請之曰新平之禍非萇之罪也臣兄襄假路求西暫見卿里陛下使人要路拒擊之不遂而没使臣行殺非臣之罪也今符登末族尚欲復讐臣

爲兄報怨情理何負陛下雖過世爲神豈假手于符登而圖臣耶陛下勿計臣過登升樓遙謂萇曰安有弑君而反立神象萇不應乃斬神象首以送登連戰而萇屢敗

經太元十七年春帝正月大赦除逋租宿債夏四月齊內史蔣誥反秋七月新作東宮冬十月丁酉太白晝見辛亥都督王忱卒庚寅封琅邪王道子爲會稽王封皇子德文爲琅邪王大旱

傳曰大赦除逋租救弊之權也齊蔣誥殺樂安太

守辟閭渾據青州反平原太守辟閭渾討平之太白晝見按星經云與日爭明強國必弱小國必強女主昌王忱字元達父禕之尚潯陽公王忱是其幼子也恃才放酒效王澄之爲人鎮州威風肅然深得物情末年嗜酒連月不醒卒于官謚曰穆會稽王道子琅邪孝王之後也累遷至丞相皇子德文封琅琊重祖藩也道子徙封會稽杜僭亂也大旱不書月日者自秋至冬不雨其旱可知矣

經

太元十八年春帝正月癸卯地震夏六月始興三

郡大水秋七月旱冬十月姚萇死子興立

傳曰癸卯地震乙未又地震是會稽王道子與帝荒怠政事信用小人之應也始興南康廬陵三郡大水深五丈漂害民甚也秋七月旱者境內諸郡不雨傷稼也姚萇死于長安召太尉姚旻僕射尹緯尚書狄伯支受遺輔政謂其子興曰有毀此人者慎勿聽之汝當撫骨肉以仁接大臣以禮待物以信遇民以恩乃死興嗣位秘不發喪乃以叔父緒鎮安定碩德鎮陰密弟崇守長安以尹緯爲長

史狄伯支爲司馬興自稱大將軍率衆伐符登符登大敗興乃發喪行服僭卽位于槐里

經太元十九年春帝正月夏六月壬子迫尊鄭妃爲皇太后秋七月荆徐大水八月尊太妃李氏爲皇太后慕容垂寇廩丘姚興殺符登

傳曰鄭太后諱阿春父慎爲安豐太守后少孤元帝爲琅琊王時納爲夫人生簡文帝潯陽公主至是下詔曰會稽太妃文母之德徽音有融載誕聖明光延于晉先帝追尊聖后朝議不行朕今依

秋及二漢故事上太妃尊號簡文宣太后于是立廟于太廟西禮也荆州大水傷秋稼遣使賑恤之太妃李氏者簡文爲會稽王時使卜人筮之織紡中得李氏形長黑色宮人目爲崑崙帝召侍寢生孝武帝及會稽王德文至是會稽王道子啓曰母以子貴皇太妃啓嘉祚於聖明嗣徽音於上列宜詳案舊典崇正名號八月辛巳帝臨軒遣太保劉耽尊爲太皇后附神主于宣太后宜也慕容垂曰吾不以逆賊累子孫乃發步騎七萬攻永弟友于

晉陽垂別將慕容農入自壺關永杜太行軹關垂
進師天井關至壺壁永精騎五萬阻河西以自固
垂陣于壺壁南遣別將分爲二翼又設伏于深澗
大戰垂引軍僞退永追奔數里伏兵斷後二翼夾
擊之永大敗奔長子圍之永奔北門擒獲斬之既
平晉陽乘勝遣其子惡奴寇廩丘東平太守韋簡
及垂將尹國戰死之姚萇死符登聞之喜曰符興
小兒吾將折杖以笞之于是盡衆而東爲興所敗
登奔平涼興追而殺之

經太元二十年春帝正月尚書令陸納卒三月庚辰
朔日有蝕之夏四月秋七月冬十一月魏王拓跋圭
伐慕容寶于忝谷敗之

傳曰陸納字祖言玩之子也少有清操嘗爲吳興
太守至姑熟辭桓温因問温飲酒曰飲三升便醉
卿飲如何納曰可二升於是邀温一醉王坦之刁
彘在坐惟酒一斗鹿肉一柈坐客愕然納曰明公
之飲三升納可三升今有一斗以備盃酌餘瀝耳
納至郡不受俸祿久之徵拜左民尚書臨發惟有

被襪而已餘並還官遷吏部尚書謝安詣納設茶
 果而已俄轉尚書令貞固不論尋卒庚辰日蝕帝
 昏淫之應也慕容寶者垂子也既平晉陽乘勝討
 魏魏徙河西以避之寶次參合參合 破也是夜魏師潛
 至寶軍奔潰寶與慕容農復舉兵走天門踰青山
 襲魏平城陷之寶至雲中魏來攻寶大敗之

經

太元二十一年春帝正月夏四月慕容垂死子寶

嗣位六月呂光僭王秋九月庚申帝醉自崩

傳曰慕容寶伐魏至雲中聞父垂死遺令謂寶曰

強寇伺隙秘勿發喪至京然後行服寶乃卽位呂
 光既平西域至高昌乃稱天王改元飛龍帝崩年
 三十五溺于酒色多為長夜之飲長星見帝于華
 林園以酒祝之曰長星勸汝一盃酒自古豈有萬
 歲天子耶連年水旱災變帝無醒日旁無正人竟
 不能自改所幸張貴人帝戲之曰汝以年當廢矣
 貴人怒是夕帝醉暴崩時會稽王道子亦昏惑竟
 不推其罪書曰帝醉自崩言非天年乃自殞爾

68-11634

